



ՄՈՒՐԲ ՅԱԿՈԲ ԱՌԱՋՆՈՐԴԱՆԻՍՏ ՄԱՅՐ Մ ԿԵՂԵՅԻ

ՏԱՏԵԱՐ ԿԻՐԱԿԻ
23 ՄԱՐՏ 2025

Կիրակնօրեայ Ընթերցումներ	Էջ 1
Ծանուցումներ	Էջ 5-8
Անդրադարձներ եւ Խորհրդածութիւններ	Էջ 6
Ողորմութեան Կանչ Մը (Շար. 37)	Էջ 7

ԵՍԱՅԻ ՄԱՐԳԱՐԷԻ ԳԻՐՔԷՆ (56 եւ 57)

Տէրը այսպէս կ'ըսէ.
 «Իրաւունքը յարգեցէք եւ արդարութիւն ըրէք, որովհետեւ ահա մօտեցաւ ժամանակը երբ պիտի փրկեմ ձեզ, հասաւ ժամանակը երբ պիտի ողորմիմ ձեզի: Երանի այն մարդուն որ արդարութիւն կ'ընէ եւ իրաւունքը կը յարգէ, իմ Շաբաթներս կը պահէ եւ չի պղծեր զանոնք, եւ կը դադրի անիրաւութիւն գործելէ»: Տիրոջ հաւատացած ոեւէ օտարագգի թող չխորհի եւ չըսէ. «Տէրը զիս իր ժողովուրդին մէջ պիտի չընդունի», եւ ոեւէ ներքինի թող չմտածէ, ըսելով. «Ես անպտուղ ծառ մըն եմ, Տէրը զիս չ'ընդունիր»:

Տէրը այսպէս կ'ըսէ.

«Այն ներքինները որոնք իմ Շաբաթներս կը պահեն, կ'ընտրեն այն բաները զոր ես կ'ողգեմ եւ իմ Ուխտիս հաւատարիմ կը մնան, իմ տանս եւ իմ ժողովուրդիս մէջ աւելի լաւ տեղ եւ պատիւ պիտի տամ անոնց, քան իմ որդիներուս եւ դուստրերուս. անոնց պիտի տամ յաւիտենական պատիւ մը որ բնաւ պիտի չջնջուի: Իսկ այն օտարագգիները որոնք ինծի հաւատացին ինծի ծառայելու համար, եւ իմ անունս սիրեցին՝ ինծի ծառայ եւ աղախին ըլլալու համար, եւ բոլոր անոնք՝ որոնք իմ Շաբաթներս կը պահեն եւ չեն պղծեր, եւ իմ Ուխտիս հաւատարիմ կը մնան, զանոնք իմ սուրբ լեռս պիտի տանիմ եւ զիրենք պիտի ուրախացնեմ իմ աղօթքի

տանս մէջ. պիտի ընդունիմ իմ Սեղանիս վրայ իրենց մատուցած ողջակէզներն ու զոհերը, որովհետեւ իմ տունս աղօթքի տուն պիտի ըլլայ բոլոր հեթանոսներուն համար»:

Այսպէս կ'ըսէ Տէր Աստուած որ Իսրայէլի ցրուած զաւակները կը ժողովէ.

«Պիտի ժողովեմ օտարագգիները եւ իմ ժողովուրդիս միացնեմ»:

Եկէ՛ք, ով դաշտի գազաններ, եկէ՛ք կերէ՛ք իմ ժողովուրդս, ո՛վ անտառի գազաններ: Տեսէ՛ք, ահա, կուրցած են անոր առաջնորդները, ի վիճակի չեն դատելու. կը նմանին համը շուներու որոնք չեն կրնար հաչել. անկողին կ'երազեն, քնանալ կը սիրեն: Իրենց հոգիով աներես շուներու կը նմանին. չարիքէն չեն կշտանար, որովհետեւ կորսնցուցած են իրենց դատողութիւնը: Ամէնքն ալ իրենց ուզածը ըրին, իւրաքանչիւրը իր շահը հետապնդելով: Ըսին. «Եկէ՛ք գինի առնենք եւ խմենք՝ մինչեւ գինովնանք, որովհետեւ վաղն ալ այսօրուան պէս եւ շատ աւելի լաւ պիտի ըլլայ»:

Տեսէ՛ք ի՛նչպէս արդարը կը կորսուի եւ ոեւէ մէկը հոգ չ'ըներ. արդար մարդիկը աշխարհէն կը վերցուին եւ ոեւէ մէկը չ'անդրադառնար թէ աշխարհի անիրաւութեան պատճառով անիկա կը վերցուի: Բայց անիկա խաղաղութեամբ գերեզման պիտի մտնէ որովհետեւ Աստուած է որ գայն վերցուց աշխարհէն: Իսկ դուք հո՛ս եկէ՛ք, անօրէն զաւակներ, պոռնիկներու եւ շնացողներու սերունդ: Ո՞վ կը ծաղրէք, որո՞ւն դիմաց կը փորձէք արդարանալ. միթէ՛ դուք չընտրեցի՞ք ձեր կորուստը, ո՛վ անօրէն սերունդ: Դուք չէի՞ք որ անտառախիտ ծառերուն տակ ձեր կիրքերը հրահրող

աստուածներու կ'աղօթէիք եւ ճորերու խորը, ժայռերու գլխուն կամ քարայրներու մէջ ձեր գաւակները կը մորթէիք: Այդ քարէ կուռքերը պիտի ըլլան ահա ձեր բաժինը. անոնք պիտի ըլլան ձեր ժառանգելիքը, որովհետեւ անոնց առջեւ թափեցիք ձեր գինիները եւ անոնց մատուցանեցիք ձեր գոհերը: Եւ կ'ուզէք որ այս բոլորին վրայ չբարկանա՞մ,- կ'ըսէ Տէրը:

Բարձր յերան բարձունքին դրիք ձեր պոռնկութեան անկողինը, հոն ելաք գոհ մատուցանելու: Ձեր տուներուն դռներուն դրանդիկներուն ետին ալ այդ կուռքերուն յիշատակները կախեցիք, կարծելով որ ինձմէ հեռու մնալով աւելի բան մը պիտի գտնէք: Ձեր անկողինները լայնցուցիք, այր հոմանիներու հետ անկողին մտաք եւ անդադար պոռնկութիւն ըրիք անոնց հետ: Օտար երկիրներէ բազմաթիւ աստուածներ որդեգրեցիք, եւ տակաւին ուրիշներ ալ փնտռելու համարներկայացուցիչներ դրկեցիք ձեր սահմաններէն դուրս. այնքան նուաստացաք որ նոյնիսկ դժոխքէն ձեզի աստուած մը փնտռեցիք: Եւ թէպէտ նոր աստուածներ փնտռելէն յոգնեցաք, բայց բնաւ չըսիք. «Ա՛լ կը բաւէ», որովհետեւ խորհեցաք թէ անոնք կրնան ձեզի ոյժ տալ, եւ ուստի չհնազանդեցաք ինձի: Որմէ՞ վախցաք կամ սարսափեցաք որ ուրացաք զիս եւ չյիշեցիք անգամ, մոռցաք զիս եւ ձեր հոգն անգամ չըրիք: Ես ալ հիմա ձեզ տեսնելով հանդերձ՝ պիտի անտեսեմ, որովհետեւ յաւիտենական Աստուածն եմ ես, եւ դուք ատիկա գիտնալով հանդերձ՝ չվախցաք ինձմէ: Հիմա ձեզի ցոյց պիտի տամ ձեր արդարութիւնը՝ ձեզի յայտնելով ձեր չարիքները, որոնք պիտի չօգնեն ձեզի: Ձեր այդ կուռքերուն պիտի աղաղակէք, բայց անոնցմէ ոեւէ մէկը ձեզ պիտի չփրկէ ձեր նեղութենէն, որովհետեւ հովը պիտի քչէ ձեր աստուածները եւ մրրիկը զանոնք պիտի տարտղնէ: Մինչդեռ անոնք որոնք ինձի յուսացած են՝ անոնք երկիրը պիտի ստանան որպէս վարձատրութիւն, իմ սուրբ լեռս պիտի ժառանգեն: Այն ատեն պիտի ըսեն. «ճամբաները մաքրեցէք. իմ

ժողովուրդիս ճամբէն վերցուցէք ամէն խոչընդոտ»»: Այսպէս կ'ըսէ Բարձրեալ Տէրը որ բարձունքներուն մէջ կը բնակի յաւիտեան, ան՝ որ սուրբերուն մէջ Սուրբն է. ԲԱՐՁՐԵԱԼ ՏԷՐ է անոր անունը. որ իր սուրբերուն մէջ կը բնակի, համբերութիւն կու տայ ընկճուածներուն եւ կեանք կու տայ սրտաբեկներուն, ըսելով. «Յաւիտեան վրէժխնդիր պիտի չըլլամ, միշտ ձեզի դէմ բարկացած պիտի չմնամ. չէ՞ որ ես եմ հոգին տուողը, ես ստեղծեցի բոլոր շունչերը: Կարճ ժամանակ մը տրտմեցուցի իմ ժողովուրդս իր մեղքերուն պատճառով. հարուածեցի զայն, երես դարձուցի անկէ, եւ ան սրտնեղած՝ աւելի ըմբոստացաւ եւ իր ուզածը ըրաւ: Բայց ես իր խորհուրդներն ու գործերը տեսայ եւ զայն բժշկեցի. իմ խօսքովս մխիթարեցի զայն՝ ճշմարիտ մխիթարութիւնը տալով իրեն եւ իր սգաւորներուն: Խաղաղութեան վրայ խաղաղութիւն տուի թէ՛ հեթանոսներուն եւ թէ՛ իմ ժողովուրդիս,- կ'ըսէ Տէրը,- եւ ես պիտի բժշկեմ զիրենք: Իսկ անօրէնները պիտի ծփան ծովու մը պէս որ հանգիստ չունի բնաւ, եւ որուն ջուրերը ցելս ու կաւ դուրս կը նետեն: Այո, ամբարիշտները խաղաղութիւն պիտի չգտնեն»,- կ'ըսէ Տէրը:

**ՊՕՂՈՍ ԱՌԱՔԵԱԼԻ
ԵՓԵՍԱՑԻՆԵՐՈՒՆ ԳՐԱԾ ՆԱՄԱԿԷՆ
(4.17-5.14)**

Արդ, Տիրոջ կողմէ կ'ազդարարեմ ձեզի.- չըլլայ որ կրկին դառնաք այն կենցաղին որով հեթանոսները կ'ապրին անմտօրէն: Անոնց միտքը խաւարած է. իրենց տգիտութեան եւ յամառ անտարբերութեան պատճառով օտարացած են Աստուծոյ կեանքին, եւ քանի այդ կեանքին յոյսը չունին, իրենք զիրենք անառակութեան տուած՝ ամէն պղծութիւն կը գործեն անյագօրէն: Բայց ես ձեզի սորվեցուցի թէ այդ չէ՛ Քրիստոսի ճամբան: Դուք լսեցիք իր պատգամները եւ իրեն միանալով սորվեցաք թէ Յիսուսի մէջ է ճշմարտութիւնը: Ուստի մոռցէ՛ք ձեր հին ինքնութիւնը,

այսինքն ձեր նախկին ապրելակերպը, որ խաբուսիկ ցանկութիւններով ապականած էր, վերանորոգուեցէք հոգիով՝ ձեր մտածելակերպը փոխելով, եւ եղէք նոր մարդ մը, Աստուծոյ պատկերին համաձայն ստեղծուած. եւ ապրեցէք ճշմարիտ կեանքը, արդարութեամբ եւ սրբութեամբ:

Հետեւաբար ստախօսութենէ հրաժարեցէք: «Ամէն մարդ ճշմարտութիւնը թող ըսէ իր ընկերոջ», ինչպէս կ'ըսէ մարգարէն, որովհետեւ Քրիստոսի միացած ըլլալով՝ իրարու անդամներ ենք: Եւ, ինչպէս սաղմոսերգուն կ'ըսէ. «Նոյնպէս երբ բարկանաք՝ չըլլայ որ մեղանչէք»: Եւ բարկացած չմնաք մինչեւ իրիկուն: Բնաւ առիթ մի՛ տաք սատանային: Ով որ գողութեամբ կ'ապրէր թող այլեւս չգողնայ, այլ վարժուի արդար վաստակով ո՛չ միայն իր հացը շահելու, այլ նաեւ բարիք գործելու՝ օգնելով անոնց որոնք կարօտ են: Որեւէ տգեղ խօսք չելլէ ձեր բերնէն: Խօսեցէք միայն ինչ որ պէտք է, ինչ որ բարի է՝ ուրիշներուն հաւատքը ամրապնդելու համար, որպէսզի լսողները շնորհքով լեցուին: Մի՛ տրտմեցնէք Աստուծոյ Սուրբ Հոգին, որով կնքուեցաք՝ փրկութեան օրուան հասնելու համար: Ձեզմէ արմատախիլ ըրէք ամէն դառնութիւն, բարկութիւն եւ զայրոյթ, պուռտութեւ հայհոյութիւն, եւ առաջքը առած կ'ըլլաք անոնց չար հետեւանքներուն: Իրարու հանդէպ քաղցր ու զթած եղէք եւ ներեցէք իրարու, ինչպէս Աստուած ալ Քրիստոսի միջոցաւ ներեց մեզի:

Աստուծոյ նմանեցէք, որպէս իր սիրելի որդիները, եւ սիրով շարժեցէք, այնպէս ինչպէս Քրիստոս մեզ սիրեց եւ մեզ փրկելու համար ինքզինքը Աստուծոյ ընծայեց որպէս անուշահոտ պատարագ եւ զոհ: Պոռնկութեան, ոեւէ պղծութեան կամ ազահութեան խօսքն իսկ թող չըլլայ ձեր մէջ, որովհետեւ այդպէս կը վայելէ հաւատացեալներուն: Վայել չէ որ լկտի եւ ամբարիշտ խօսակցութիւններով կամ խեղկատակութեամբ զբաղիք. այլ՝ ձեր խօսակցութիւնը միշտ գոհաբանութիւն

պէտք է ըլլայ: Մէկ բան վստահ գիտցէք, թէ ոեւէ մէկը որ պոռնկութիւն կ'ընէ, պղծասէր է կամ ազահ - եւ ազահութիւնը կռապաշտութիւն է - ժառանգութիւն պիտի չունենայ Քրիստոսի եւ Աստուծոյ արքայութեան մէջ: Հետեւաբար չըլլայ որ ոեւէ մէկը պարապ խօսքերով ձեզ խաբէ. որովհետեւ այս բաներուն համար Աստուած իր բարկութիւնը պիտի թափէ անխրատ մարդոց վրայ: Ասկէ ետք որեւէ յարաբերութիւն մի՛ ունենաք այնպիսիներուն հետ, որովհետեւ թէպէտ ժամանակ մը խաւար էիք, սակայն հիմա որ Տիրոջ միացաք՝ լոյս էք: Հետեւաբար լոյսի որդիներուն վայել ձեւով ապրեցէք. որովհետեւ լոյսի պտուղներն են՝ բարութիւնը, արդարութիւնը եւ ճշմարտութիւնը: Զանացէք հասկնալ թէ Աստուած ի՛նչ կ'ուզէ ձեզմէ, բնաւ մասնակից մի՛ ըլլաք խաւարին գործերուն, որոնք Աստուծոյ կամեցած պտուղները չեն տար: Ընդհակառակը, ձեզմէ զանոնք, որովհետեւ մութին մէջ կը գործուին անոնց արարքները որոնց մասին խօսիլն իսկ ամօթ է: Բայց բոլոր այդ ծածուկ արարքները Քրիստոսի լոյսով կը յայտնուին եւ կը յանդիմանուին, որովհետեւ լոյսը կը յայտնէ ամէն բան: Ահա թէ ինչու մարգարէն կ'ըսէ.

«Արթնցի՛ր, ո՛վ քնացած.
դո՛ւրս ելի՛ր մեռելութենէդ,
եւ Քրիստոս պիտի լուսաւորէ քեզ»:

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ ԸՍՏ ՂՈՒԿԱՍԻ (16.1-31)

Իր աշակերտներուն Յիսուս այս առակը պատմեց.-

«Մեծահարուստ մարդ մը կար, որ իր ստացուածքներուն վերակացու տնտես մը ունէր: Երբ տնտեսին մասին մարդիկ ամբաստանութիւնըրին, ըսելով թէ իրտիրոջ հարստութիւնը կը վատնէ, մեծահարուստը կանչեց զինք եւ ըսաւ. “Ի՞նչ են քու մասիդ այս ըսուածները: Քեզի յանձնած բոլոր ստացուածքներուս հաշիւը տուր: Այլեւս

իմ տնտեսս չես կրնար ըլլալ”։ Տնտեսը ինքնիրեն խորհեցաւ. “Ի՞նչ կրնամ ընել. ահա տէրս զիս տնտեսութեան պաշտօնէն կը զրկէ։ Բանուորութիւն չեմ կրնար ընել, մուրալու կ’ամչնամ։ Սակայն գիտեմ թէ ի՛նչ պէտք է ընեմ, որ երբ տէրս տնտեսութեան պաշտօնէն հեռացնէ, մարդիկ զիս ընդունին իրենց տուներէն ներս”։ Ապա մէկ առ մէկ կանչեց իր տիրոջ պարտականները եւ առաջինին հարցուց. “Ո՞րքան պարտք ունիս տիրոջս”։ Ան պատասխանեց. “Երկու հարիւր թիթեղ ձէթ”։ Տնտեսը ըսաւ. “Ահաւասիկ պարտամուրհակդ. նստէ՛ եւ անմիջապէս գրէ՛ հարիւր”։ Յետոյ հարցուց միւսին. “Դո՞ւն որքան պարտք ունիս”։ Ան պատասխանեց. “Չորս հարիւր յիսուն պարկ ցորեն”։ Տնտեսը ըսաւ. “Ահաւասիկ պարտամուրհակդ. նստէ՛ եւ գրէ՛ երեք հարիւր յիսուն”։ Տէրը ասիկա լսելով գովեց անիրաւ տնտեսը իր հնարամտութեան համար։ Որովհետեւ այս աշխարհի մարդիկը իրենց գործերը վարելու մէջ աւելի ճարպիկ են քան լոյսի որդիները։ Եւ ես կ’ըսեմ ձեզի. – Աշխարհիկ հարստութիւնը գործածեցէք այնպէս՝ որ Աստուծոյ բարեկամութիւնը շահիք, որպէսզի երբ այս աշխարհէն ելլէք, ձեզ յաւիտենական յարկերու մէջ ընդունին։

«Ով որ փոքր ծառայութեան մէջ հաւատարիմ է, մեծին մէջ ալ հաւատարիմ է. իսկ ով որ փոքր ծառայութեան մէջ անհաւատարիմ է, մեծին մէջ ալ անհաւատարիմ է։ Հետեւաբար, եթէ աշխարհիկ հարստութիւնը գործածելուն մէջ հաւատարիմ չեղաք, ճշմարիտ հարստութիւնը ո՞վ պիտի վստահի ձեզի։ Այսինքն, եթէ հաւատարիմ չեղաք աշխարհիկ հարստութեան, որ ձերը չէ, ինչպէ՞ս կ’ուզէք որ Աստուած ձեզի տայ ձեզի սպասող ճշմարիտ հարստութիւնը։ Ո՛չ մէկ ծառայ կրնայ երկու տէրերու ծառայել, որովհետեւ կա՛մ մէկը պիտի ատէ եւ միւսը սիրէ, կա՛մ մէկը պիտի մեծարէ եւ միւսը արհամարհէ։ Չէք կրնար թէ՛ Աստուծոյ ծառայել եւ թէ՛ դրամին։

Փարիսեցիները, որոնք դրամասէր էին, երբ այս բոլորը լսեցին, սկսան հեգնել զինք։ Յիսուս ըսաւ անոնց. «Դուք ձեզ ուրիշներուն

արդար ցոյց կու տաք, սակայն Աստուած գիտէ ձեր սիրտերը։ Որովհետեւ մարդոց աչքին փառաւորը Աստուծոյ աչքին անարգ է։ Մովսէսի Օրէնքը եւ մարգարէներու ուսուցումները մինչեւ Յովհաննէս ի գօրու էին. անկէ ասդին Աստուծոյ արքայութիւնը կ’աւետարանուի եւ ամէն մարդ կը փութայ բռնութեամբ ներս մտնել։ Աւելի զիւրին է, որ երկինքն ու երկիրը կորսուին, քան Օրէնքին ամենափոքր տառը։

«Ով որ իր կինը արձակէ եւ ուրիշ մը առնէ, կը շնայ. նոյնպէս կը շնայ ան, որ արձակուած կնոջ հետ կ’ամուսնանայ։

«Մեծահարուստ մարդ մը կար, որ բեհեզ եւ ծիրանի հագուստներ կը հագնէր եւ ամէն օր փառաւոր խնճոյք կ’ընէր։ Ղազարոս անունով աղքատ մըն ալ կար, որ անոր դրան առջեւ կը նստէր եւ կը յուսար իր փորը լեցնել մեծահարուստին սեղանի աւելցուքներով։ Ղազարոս վէրքերով ծածկուած էր, եւ շուներ կու գային իր վէրքերը կը լիզէին։ Աղքատը մեռաւ եւ հրեշտակները զինք տարին Աբրահամին մօտ։ Մեծահարուստն ալ մեռաւ եւ թաղուեցաւ։ Դժոխքին մէջ, մինչ մեծահարուստը կը տանջուէր, աչքերը բարձրացուց եւ հեռուն Աբրահամը տեսաւ, ինչպէս նաեւ Ղազարոսը որ կը նստէր անոր քով։ Մեծահարուստը աղաղակեց. “Հա՛յր Աբրահամ, ողորմէ՛ ինձի եւ զրկէ Ղազարոսը, որ մատին ծայրը ջուրին թաթիսէ եւ զովացնէ լեզուս, որովհետեւ այս կրակին մէջ ծարաւէն կը տառապիմ”։ Աբրահամ ըսաւ անոր. “Որդեա՛կ, յիշէ թէ ի՛նչպէս դուն քու կեանքիդ ընթացքին ամէն բարիք վայելեցիր, մինչ Ղազարոս չարչարուեցաւ։ Հիմա ան հոս կը հանգստանայ, մինչ դուն հող կը տառապիս։ Գիտցիր նաեւ, որ մեծ անդունդ մը կայ մեր եւ ձեր միջեւ։ Եթէ ուզեն այստեղէն ձեր մօտ անցնիլ՝ չեն կրնար, եւ ոչ ալ մէկը հոնկէ մեր մօտ կրնայ գալ”։ Մեծահարուստը ըսաւ. “Կ’աղաչեմ, Հա՛յր Աբրահամ, Ղազարոսը զրկէ իմ հօրս տունը ուր հինգ եղբայրներ ունիմ. թող զանոնք նախազգուշացնէ, որպէսզի անոնք ալ տանջանքի այս վայրը չգան”։ Աբրահամ ըսաւ անոր. “Անոնք Մովսէսի Օրէնքն

ու մարգարէները ունին. թող անոնց պատուիրանները լսեն եւ գործադրեն”: Մեծահարուստը ըսաւ. “Ատիկա բաւարար չէ, Հայր Աբրահամ. բայց եթէ մեռելներէն մէկը յարութիւն առնէ եւ երթայ իրենց, պիտի ապաշխարեն”: Աբրահամ պատասխանեց. “Եթէ Մովսէսի Օրէնքին եւ մարգարէներուն մտիկ չեն ըներ, մեռելներէն յարութիւն առնող մըն ալ պիտի չկարենայ համոզել զիրենք”»:

ՉԱՏԿՈՒԱՅ ԻՐԱԳԻՆ

Ս. ՅԱՐՈՒԹԵԱՆ ՏՕՒՐԱ ԱՌԹԻ,
ՎԱՏԱՀ ԵՆՔ,
ՈՐ ՄԵՐ ԲԱՐԵՊԱՇՏ ԺՈՂՈՎՈՐՈՂԸ ՊԻՏԻ
ՉԱՌՈՆԱՅ
ՎԱՏԱՐԵԼՈՒ ԻԻՂԱԳԻՆԻ ԻՐ ԱՐՏԱՔՈՒՄ
ԱՌԻՐԱՏՈՒԹԻՒՆԸ:

ՀԻՄՆԱԴԱՆԵՐՈՒՄ ԱՅԵԼՈՒԹԻՄ

Բարեհաճեցէք հեռաձայնել
Արժ. Տ. Գառնիկ
Աւ. Քինյ. Գոյունեանի.
514 909 5203 քիփն:

ՏՆՕՐՀՆԷՔ

Տնօրհնէք փափաքող ընտանիքները,
թող բարեհաճին դիմել
Տ. Գառնիկ Աւ. Քինյ. Գոյունեանի,
հեռաձայնելով
514 909 5203 քիփն:

ԱՅԵԼԵՑԷՔ
ԵԿԵՂԵՑՈՅԱ
ԴԻՄԱՏԵՏՐԻ ԷՁԸ

ԵՒ
ՁԵՐ ՀԱՒԱՆՈՒԹԻՒՆԸ յԱՅՏԵՑԷՔ
(like).

[www.facebook.com/
SourHagopChurchMontreal](http://www.facebook.com/SourHagopChurchMontreal)

ԱՅԵԼԵՑԷՔ ԱՁ
ԵՒ

Ս. ՅԱՎՈՒ ԱՌԱՋԱՆՈՐԴԱՆԻՍ
ՄԱՅՐ ԵԿԵՂԵՑՈՅ ՎԱՅԷՁԸ՝
www.sourphagop.net

ԹԵՐԹԻՎԻ ԱՆՆՈՐԴ ԹԻԷՐՈՒ
ՎՐԱՔ ԳՏՆԵԼ
www.sourphagop.net

ՎԱՅԷՁԻՆ ՎՐԱՅ

ՀՈԳԵՀԱՆԳԱՏԵԱՆ

ՁԵՐ ԱՐՁԱՆԱԳՐՈՒԹԻՒՆՆԵՐՈՒ
ԱՆՆՕՐՕՔ ՎԱՏԱՐԵՑԷՔ ՎՐՈՒԻԵԼՈՎ
ԵԿԵՂԵՑՈՅ ԳՐԱՆԵՆԵԱԿ:

Անդրադարձներ Եւ Խորհրդածույթիւններ

«Նիկիական Հանգանակ»ը կ'ըսէ. «Հաստատմք...յապաշխարութիւն»: Ինչո՞ւ: Որովհետեւ անիկա ուղին է մեղքի պատճառով մարդու ինքնաքտրէն դարձին՝ դէպի դրախտ կամ Երկնքի արքայութիւն կամ Հօրենական տուն:

Ծննդոց գիրքին մէջ, Աստուծոյ հրամանով դրախտէ վտարման դրուագը կայ: Յիսուս զայն մեկնաբանած է իր Անառակ որդիին առակով: Դրախտը, որ Յիսուսի լեզուին մէջ Երկնքի արքայութիւնն է, աստուածայինին հետ մարդ էակին անմիջական փոխյարաբերութիւնն է: Փոխյարաբերութիւն մը՝ ուր աստուածային լոյսը կը դրոշմուի մարդու հոգիին վրայ ու մէջ:

Անառակ որդիի առակին Ծմեմանեան խոսկումի մը կը փափաքիմ անդրադառնալ:


Ըստ աստուածաբանին, անառակին հեռու երկիր երթալու պատկերը՝ փոխաբերութիւնն է մարդկային կացութեան: Մարդը իր մեղաւորութեամբ՝ հեռու երկրի մէջ է: Այս կացութիւնը՝ արտորի կացութիւն մըն է: Առանց գիտակցելու այս կացութեան, առանց ընդունելու եւ ստանձնելու զայն՝ կարելի չէ Աստուծոյ մօտենալ: Ան որ երբեք չէ ունեցած Աստուծմէ եւ ճշմարիտ կեանքէն արքտրուած ըլլալու փորձառութիւնը՝ բնաւ պիտի չհասկնայ ապաշխարութիւնը: Նաեւ՝ ան որ այս աշխարհի ու աշխարհիկ կեանքէն ներս ինքզինք կատարելապէս «տան մէջ» կը զգայ, ու երբեք չէ խոցուած այլ Իրականութեան մը կարօտալից բաղձանքէն՝ պիտի չհասկնայ, թէ ինչ է ապաշխարութիւնը:

Ապաշխարութիւն յաճախ պարզապէս ընկալուած է իբր

անխոռվ եւ «առարկայական» թուարկում յանցանքներու եւ մեղքերու, իբր օրէնքով ամբաստանութեան մը առջեւ՝ յանցաւորութիւնը կամ մեղաւորութիւնը ընդունելու արարք: Խոստովանութիւնը եւ արձակումն ալ հասկցուած են իբր իրաւական բնոյթ ունեցող արարքներ: Բայց անտեսուած է շատ էական տարր մը, առանց որուն՝ ո՛չ խոստովանութիւնը, ո՛չ արձակումը որեւէ ճշմարիտ իմաստ եւ ուժ ունին: Այն «տարր»ը Աստուծմէ, Անոր հետ հաղորդակցութեան ուրախութենէն, Աստուծմէ ստեղծուած եւ մատուցուած ճշմարիտ կեանքէն օտարման զգացումն իսկ է: Աստուծմէ սքանչելի պարգեւներ զանձեր ստացած ենք. ամենէն առաջ՝ կեանքը եւ կարելիութիւնը զայն վայելելու, զայն իմաստով, սիրով, եւ գիտութեամբ լեցնելու: Ապա Մկրտութեամբ ստացած ենք նոյնինքն Քրիստոսի նոր կեանքը, Ս. Հոգիին պարգեւը, խաղաղութիւնը եւ ուրախութիւնը յաւիտենական արքայութեան: Աստուածգիտութիւն ստացած ենք, եւ Անով՝ գիտութիւնը ամենայնի, եւ իշխանութիւնը Աստուծոյ որդի ըլլալու: Բայց այս բոլորը կորսնցուցած ենք, եւ այս բոլորը միշտ կը կորսնցնենք՝ ո՛չ թէ միայն այս կամ այն յանվանքով ու մեղքով, այլ բոլոր մեղքերուն մեղքովը՝ Աստուծմէ մեր սիրոյն մոլորումովը, որ կը նախընտրէ «հեռաւոր երկիր»ը քան Հօր գերվայելուչ տունը:

Եկեղեցին այստեղ է, որ մեզի յիշեցնէ, թէ ինչ ենք լքած եւ կորսնցուցած: Եւ երբ կը յիշենք՝ մեր մէջ կ'արթննայ «բաղձանքը դարձի եւ գորութիւնը դարձի» (Alexander Schmemmann, Great Lent):

ԳՔ





ՈՂՈՐՄՈՒԹԵԱՆ ԿԱՆՉ ՄԸ ԱՊՈԹԵՐ ԾԷՆԵՍԻՆ

ՀԵՊԻՆԱԿ՝ ՀԷՆՐԻ ՆՈՒԸՆ

ԹԱՐԳԱՆՈՒԹԻՒՆ՝ ԿԱՐՕ ՄՐԿ. ՆՈՒՆՈՒՏԵԱՆԻ

ԾԱՌԱՅՈՒԹԻՒՆՍ

Քաղցր Տէր, աշակերտդ՝ Փիլիպպոս միացաւ Եթովպիացի ուխտաւորի մը, որ Երուսաղէմէն իր երկիրը կը վերադառնար: Այնպէս ինչպէս ըրիր երբ միացար դէպի Եմմաուս ճամբայ ելածներուն, նոյնպէս աշակերտդ սրբազան գիրքերը բացատրեց այս ուխտաւորին եւ յստակացուց, թէ անոնք քու մասիդ կը խօսէին:

Կ'աղօթեմ որ այդ ըլլայ իմ ծառայութիւնս. մարդոց միանալ իրենց ճանապարհորդութեան ընթացքին, եւ անոնց աչքերը բանալ՝ որպէսզի քեզ տեսնեն: Բազմաթիւ մարդիկ քեզ կը փնտռեն: Յաճախ կը սերտեն, կը կարդան, կը գրուցեն, կը գրեն ու կը ջանան պատասխան գտնել իրենց ամենէն մտերմիկ հարցումներուն: Բայց շատեր տակաւին կը խարխափեն մութին մէջ: Տուր ինծի արիութիւնը անոնց միանալու եւ Փիլիպպոսի նման ըսելու՝ «կը հասկնա՞ք ձեր կարդացածը»:

Տուր ինծի մտացիութիւնն ու համոզումը անոնց հետ խօսելու քու մասիդ, որ Ճամբան ես, Ճշմարտութիւնն ու Կեանքը: Տո՛ւր ինծի կարողութիւնը գիտնալու, թէ անոնք ե՞րբ է որ պատրաստ են ջուրով ու Սուրբ Հոգիով մկրտուելու:

Մակայն, կ'աղաչեմ, Տէր, նաեւ տուր ինծի Փիլիպպոսին տուած քաջալերանքդ՝ երբ ըսիր իրեն. «Մօսկեցի՛ր եւ այդ կառքին քովէն քայլէ» (Գրծ 8.28): Գիտես որ ամէկոտ եմ ու երկչոտ: Տուր որ ինքնավստահ ըլլամ ու ազատ: Ամէն:

(Շար. 37)

**ՄԻՋԻՆՔԻ
ԸՆԹՐԻՔ**

Չորեքշաբթի. 26 Մարտ 2025
Երեկոյեան ժամը 8.00
Մոնթրէալի Հայ Կեդրոն
Մուտքի սակ՝ 45\$
5-12 տարիքի փոքրերու՝ 30\$

Համեղի
Անակովազներ

Համեղի
Անակովազներ

Տեղեր ապահովելու համար հաճեցէք
հեռանայնել կամ գրել՝
Լէօն Արսայեանին՝ 514 713-5366

ՄԵԾ ՊԱՅՈՑ ԼՍԱՐԱՆ ՑԵՏ ՀՍԿՈՒՄԻ ԺԱՄԵՐԳՈՒԹԻՒՆՆԵՐՈՒՆ

Սկիզբ ժամերգութիւններուն՝ երեկոյեան ժամը 7.00

4

ՄԻՋԻՆԸ, Չորեքշաբթի, 26 Մարտին,
յետ Հսկումի ժամերգութեան
Բոլոր հաւատացեալներուն բաշխում
Չարեհ Արք. Ազնաւորեանի՝ «Մեկնութիւն
Հայ Եկեղեցւոյ Հաւատամքի» գիրքին Նուէր՝
տ. եւ տիկ. Կարօ եւ Սալբի Շահինեանէ

5

Չորեքշաբթի, 2 Ապրիլ,
յետ Հսկումի ժամերգութեան
Ս. Հոգին «որ խօսեցաւ յօրէնս
եւ ի մարգարես եւ յաւետարանս...»
եւ աղօթքը կը խորհրդածէ
Բրշ. Կարօ սրկ. Նոխստեան

6

Չորեքշաբթի, 9 Ապրիլ,
յետ Հսկումի ժամերգութեան
«Հաւատամք...ի մի Սկրտութիւն»ը
եւ մանուկներու Սկրտութեան մասին
կը խորհրդածէ հովիւը՝
Արժ. Տ. Գառնիկ ԱԼ Զինյ. Գոյունեան

ԱՐԵՒԱԳԱԼԻ ԺԱՄԵՐԳՈՒԹԻՒՆՆԵՐ

*Մեծ Պատից Հինգշաբթի Օրերուն
(27 Մարտ, եւ 3, 10 Ապրիլ)*

Սկիզբ ժամերգութիւններուն՝
ժամը 11.00-ին

Ապա

Խորհրդածութիւններ

Նիւթ՝

«Տիրոջմէ Յիշուիլ, Յիշել Տերը»